

आकाशवाणी

खबरां ----

1. अधिकारिणं दी कथित लापरवाही करी दिल्ली दे इक कोचिंग संस्थान च विद्यार्थिणं दी मौत आली घटना पर राज्यसभा च अज्ज चर्चा होई।
2. संसद दे दौनें सदनें च अज्ज बजट पर चर्चा परतिण शुरू होई।
3. केंद्री राज्यमंत्री जयंत चौधरी होरे आखेआ ऐ जे मुख्य च स्टार्ट अप दी गिनतरी 1 करोड़ 40 लख थवां बढ़ होई गई ऐ।
4. घरे, मकाने ते शैहरी मामले दे राज्यमंत्री होरे आखेआ ऐ जे प्रधानमंत्री आवास योजना शैहरी तैहत 1 करोड़ 18 लख थवां मते घरे दे निर्माण कम्में गी मंजूरी दिती गई ऐ।
5. सरकारै आखेआ ऐ जे पी.एम स्वनिधि योजना तैहत रेहड़ी-फड़ी आहले गी हुनै तगर 11 जहार 713 करोड़ रपे दा दौहार दिता जाई चुके दा ऐ।

ते हुन खबरें दी तफसील।

RS-Coaching

दिल्ली दे कोचिंग सेंटर च बच्चें दे पुब्बी जाने करी होई दी मौत आली घटना पर राज्यसभा च चर्चा होई। शुरूआत करदे होई भारतीय जनता पार्टी दे नेता सुधांशु त्रिवेदी होरें इस घटना गी आपराधिक लापरवाही दस्सदे होई मामले दी व्यापक जांच करने ते एहदे आस्तै जिम्मेदारी तय करने दी मंग कीती। उनें आरोप लाया जे नियमें दी खिलाफवर्जी बारे शेंकाएं गी जाहिर कीते जाने दे बावजूद निकासी प्रणाली गी स्वच्छ ते सुचारू बनाने लेई कोई गें नेई पुट्टी गई। उनें आखेआ जे दिल्ली जल बोर्ड दा घाटा 74 जहार करोड़ रपे तगर पुज्जी गेआ ऐ ते बोर्ड पर भ्रष्टाचार दे नेकां आरोप लगगी चुके देन। उनें आखेआ जे इस घटना पर दिल्ली दे मुख्यमंत्री अरविंद केजरीवाल हुंदी कोई टिप्पणी नेई आई ऐ। तृणमूल कांग्रेस दे प्रेक ओ ब्रॉयन होरें बी इस घटना पर चिंता जाहिर कीती। बहस च दखल दिंदे होई केंद्री शिक्षा मंत्री धर्मेंद्र प्रधान होरें आखेआ जे इस मामले च लापरवाही होई ऐ ते जिम्मेदार लोकें गी जवाबदेह ठहराया जाना लोड़चदा। उनें आखेआ जे केंद्र नै कोचिंग केंद्रें दे नियमन पर इस बरे जनवरी च दिशा निर्देश जारी कीते हे। आम आदमी पार्टी दी स्वाति मालीवाल होरें आखेआ जे पूरे

मुख्य सोयां विद्यार्थी सिविल सेवक बनने दी मेद कन्ने दिल्ली दे कोचिंग केंद्रें च ओंदे न। एहदे थ्वां पैहले राज्यसभा दे सभापति जगदीप धनखड़ होरें आखेआ जे एह मुद्रा मुख्य दे होनहार नौजोआनें शैहरी बुनियादी ढांचे दे कन्नोकन्नी शासन दे होर दुए पैहलुएं कन्नै सरबन्धित ऐ। AIADMK नै मंग कीती ऐ जे कोचिंग केंद्रें गी खत्म कीते जाने लोड़चे।

<><><><><><>

LS-Budget-Discussion

लोकसभा च विपक्ष दे नेता राहुल गांधी होरें जातिगत जनगणना ते करसानें गी घटोघट्ट समर्थन मुल्ल दी कनूनी गरंटी देने दी मंग कीती। लोकसभा च केंद्री बजट पर अज्ज चर्चा दौरान उनें आखेआ जे बजट च घटोघट्ट समर्थन मुल्ल दी कनूनी गरंटी कन्नै करसानें गी सहायता थ्होग। राहुल गांधी होरें आखेआ जे केंद्री बजट च अनुसूचित जाति, अनुसूचित जनजाति ते होर दुए पच्छड़े दे वर्ग आस्तै किश बी नेई दिता गेआ। उनें पेपर लीक मामले पर गल्ल करदे होई आखेआ जे एह मुद्दा युवाएं गी प्रभावित करा रदा ऐ। गांधी होरें मध्य वर्ग पर टैक्स आले मुद्दे गी पुट्टेया ते आखेआ जे सूचिकरण हटाने ते पूंजीगत लाह कर बदाने कन्नै मध्यम वर्ग पर प्रतिकूल असर पौग।

संसदीय मामलें दे मंत्री किरें रिजिजू होरें राहुल गांधी हुंदे पर अध्यक्ष दी गरिमा घट्ट करने दा आरोप लांदे होई उंदी किश टिप्पणियें पर आपत्ति जाहिर कीती। रक्षा मंत्री राजनाथ सिंह होरें अग्निवीर योजना पर गांधी हुंदी टिप्पणी पर आखेआ जे इस योजना बारें विपक्ष दे नेता हुंदे आस्सेआ गलत फैहमियां पैदा कीतियां गेइयां न। उनें आखेआ जे सदन च अग्निवीर योजना पर चर्चा करने लेई सरकार तैयार ऐ।

<><><><><><>

LS-Budget Discussion

चर्चा च हिस्सा लेंदे होई समाजवादी पार्टी दी पिंपल यादव हारें दावा कीता जे शिक्षा क्षेत्र लेई बजट दी रकम उप्परोतली घट्ट होंदी जा'रदी ऐ। उनें आखेआ जे मुख्ये च बेरोजगारी दी दर च बाददा होआ रदाऐ। उनें अग्निवीर योजना ते जातीय जनगणना दा मुद्दा बी पुट्टेया। समाजवादी पार्टी दिएं सांसद नै सेहत क्षेत्र लेई कोई प्रमुख एजेंडा नई होने दा आरोप लांदे होई आखेआ जे इस क्षेत्र लेई उपलब्ध कराए गेदी रकम नाकाफी ऐ। पिंपल यादव होरें अगगे आखेआ जे देश च डाक्टरें, नर्स ते टेक्नीशियन दी बड़ी मती कमी ऐ। बीजेपी दे सुरेश कुमार कश्यप होरें बजट दी सराहना करदे होई आखेआ जे एह बजट जिस स्हाबे तैयार कीता गेदा ऐ, एह देश गी इक नमी दिशा देग ते

आत्मनिर्भर बनाग। उनें आखेआ जे 25 करोड़ लोकें गी गरीबी कोला बाहर आंदा गेआ ऐ। उनें दस्सेया जे बजट च महिलाएं ते नौजवानें गी तरजीह दिती गेदी ऐ। कश्यप होरें आखेआ जे प्रधानमंत्री आवास योजना दे तैहत त्रै करोड़ मकान बनाने दी घोषणा गरीबें लेई इक बड़ा तोहफा ऐ। उनें आखेआ जे बजट च देश दे नौजवानें गी आत्मनिर्भर बनाने दे लेई शिक्षा, रोजगार ते हुनर विकास आली बकखी चेचा ध्यान दिता जा'रदा ऐ।

<><><><><><>

RS Budget

राज्यसभा च बी बजट पर चर्चा परतिए शुरू होई। चर्चा च हिस्सा लैंदे होई एच.वी देवगोड़ा होरें आखेआ जे समां आई गेदा ऐ जिसले विकास ते रोजगार दे मौकें दे नमैं मौके पैदा करने लेई नमैं मा'ल विकसित कीते जाने लोड़चदे। उनें आखेआ जे बेंगलुरु शैहर च पीने आले पानी दा त्रोड़ा ऐ। कांग्रेस दे राजीव शुक्ला होरें आखेआ जे हाई कोर्ट ते सुप्रीम कोर्ट दी क्षमता बदाई जानी लोड़चदी।

<><><><><><>

PM-Budget Conference

प्रधानमंत्री नरेंद्र मोदी होर कल दपैहरी लै केंद्री बजट 2024-25 दे बाद आले सम्मेलन विकसित भारत आली बक्ख यात्रा दे उद्घाटनी सत्र गी संबोधित करडन। इस सम्मेलन दा सरिस्ता भारतीय उद्योग मंल सी.आई.आई आस्सेआ कीता जा'रदा ऐ ते एहदा मकसद सरकार दे विकास आले नजरिए च उद्योगों दी भूमिका बारे रूप-रेखा पेश करना ऐ ते इसी प्रमुखता कन्ने उजागर करना ऐ। उद्योग, सरकार कूटनीतिक समुदाय, विचारकें दे कोई 1 जहार कोला मते लोकें दे एहदे च शिरकत करने दी मेद ऐ।

<><><><><><><>

Govt. Start Up

देश च स्टार्ट अप्स दी गिनतरी बधिये 1 लक्ख 40 जहार शां बी मती होई गेई ऐ। अज्ज लोकसभा च इक सवाला दे लिखित परते च एहदे बारे जानकारी दिंदे होई कौशल विकास ते उद्यमशीलता मंत्री जयंत चौधरी होरें आखेआ जे देश च मान्यता हासल स्टार्ट अप्स नै 15 लक्ख शां मतियां प्रत्यक्ष नौकरियां पैदा कीतियां न। उनें आखेआ जे सरकार नै 2016 बरे च स्टार्ट अप इण्डिया पैहलकदमी दी शुरूआत कीती ही।

<><><><><><>

RS-Bio

इथेनॉल मिश्रित पेट्रोल पैहल दी मदद कन्ने केंद्र सरकार नै 24 करोड़ रुपे थां मते दी विदेशी मुद्रा दी बचत कीती ऐ। पेट्रोलियम ते कुदरती गैस राज्यमंत्री सुरेश गोपी होरें राज्य सभा च इक लिखित परते च एह जानकारी दिती। उनें आखेआ जे नवंबर 2022 सोयां अक्टूबर 2023 दौरान लगभग 519 करोड़ लीटर इथेनॉल गी पेट्रोल च मलाया गेआ ऐ जेदे कन्ने 24 जहार 3 करोड़ थां मती विदेशी मुद्रा दी बचत ते करसानें गी मती आमदन होई ऐ।

<><><><><><>

RS-Groundwater

जल शक्ति राज्यमंत्री राज भूषण चौधरी होरें आखेआ ऐ जे जमी दे हेठ आले पानी दा इस्तेमाल करने आलें च भारत दुनिया भरै च पैहली थाहर पर ऐ। राज्यसभा च इक परते च उनें आखेआ जे भारत दी अबादी दुनिया दी कुल आबादी दा 17 फीसद ऐ ते पेय जल दी जरूरतें गी पूरा करने आसतैं मुख्य च दुनिया भरै दे ताजे पानी दा लगभग 4 फीसद भंार गै ऐ।

<><><><><><>

Govt. Houses

सरकारै आखेआ ऐ जे प्रधानमंत्री आवास योजना तैहत 1 करोड़ 18 लक्ख शा मते घरें दे निर्माण कम्में गी मंजूरी दिती गई ऐ। घर मकान ते शैहरी मामलें दे राज्यंत्री तोखन साहू होरें अज्ज राज्यसभा च इक सवाला दे लिखित परते च एह जानकारी दिती। उनें आखेआ जे मंजूर कीते दे इनें घरें शा 1 करोड़ 14 लक्ख घरें दा निर्माण कम्म जारी ऐ, जदके 85 लक्ख शा मते घरें दा निर्माण कम्म मुकम्मल करी लैता गेदा ऐ। मंत्री होरें आखेआ जे मंत्रालय राज्य ते केंद्र शासित प्रदेशें गी 2015 थमां स्कीम तैहत केंद्री मदाद उपलब्ध करा दी ऐ तां जे देश च रवा'रदे योग्य शैहरी लाभार्थियें गी पक्के मकान दी सुविधा दिती जाई सकै।

<><><><><><>

LS-Employment

श्रम ते रोजगार मंत्री णॉ. मनसुख मांणविया होरें अज्ज आखेआ ऐ जे मुल्खे च नौकरिएं दी कोई कमी नेई ऐ ते मजूदा सरकार दिए नीतिएं दी बदौलत मुल्खे च बेरोजगारी दी दर घटिए 3 अशारिया 2 प्रतिशत पर पुज्जी गेदी ऐ। अज्ज लोकसभा च प्रश्नकाल दे दौरान जिमनी

सोआलें दा परता दिंदे होई मंत्री होरें मेद प्रगट कीती जे औने आले समें च बेरोजगारी दी दर होर हेठ 3 प्रतिशत पुज्जी जाग। केंद्री बजट दी सिफत करदे होई मां-विया होरें आखेआ जे प्रधानमंत्री हुंदी पैकेज दे राएं औदे 5एं बरें दौरान 4 करोड़ कोला मते नौजवानें गी रोजगार ते सिखलाई हासल करने च मदद होग। उनें आखेआ जे इस लक्ष्य गी हासल करने लेई 2 लकख करोड़ रपे दी रकम बक्खी रक्खी गेदी ऐ। उनें अगगे आखेआ जे पिछले किश बरें दौरान मजूर वर्ग दी शमूलियत ते मजूरें दी गिनत्री दा अनुपात बी काफी मता बधेया ऐ जेड़ा एललै 44 प्रतिशत ते 40 प्रतिशत ऐ।

<><><><><><>

LS-E-shram

श्रम ते रोजगार राज्य मंत्री शोभा करनदलाजे होर अज्ज लोकसभा च जानकारी दिती जे इस म्हीने दी 22 तरीक तगर 29 करोड़ 82 लकख असंगठित क्षेत्रें दे कर्मचारियें ई-श्रम पोर्टल उप्पर पंजीकरण कराया ऐ। इक सवाला दे लिखित परते च जानकारी दिंदे होई उनें जानकारी दिती जे केंद्र सरकार नै 2021 च ई-श्रम पोर्टल दी शुरूआत कीती ही। एहदा उद्देश्य असंगठित क्षेत्रें दे कर्मचारियें गी यूनिवर्सल एकाउंट नंबर ते ई-श्रम कार्ड देइयै उंदा पंजीकरण ते समर्थन करना ऐ। उनें आखेआ जे

सरकार इस सरबंध च जागृति फैलाने लेई नेकां उपा करारी ऐ तां जे मते शाम ते कर्मचारियें दा ई-श्रम पोर्टल उप्पर पंजीकरण होई सकै।

<><><><><><>

RS -Svanidhi

पी.एम स्वनिधि योजना दे तैहत रेहड़ी-फड़ी आहलें गी हुनै तगर कुल 11 जहार 713 करोड़ रपे दा दौहार दिता जाई चुके दा ऐ। राज्यसभा च इक सौआल दे परते च घरें मकानें ते शैहरी मामलें दे राज्यमंत्री तोखन साहू होरें आखेआ जे कुल 86 लक्ख 38 जहार रपे दौहार दिते गए जिंदे चा 31 लक्ख 73 जहार रपे दे दौहार चुकाए गए न।

<><><><><><>

Joshi

उपभोक्ता मामले, खुराक ते सार्वजनिक बं बिक्री मैहकमे दे मंत्री प्रहलाद जोशी होरें अज्ज राश्ट्री सहकारी उपभोक्ता महासंघ N.C.C.F. दी वैन जेड़ी 60 रपे किलो दे भा कन्नै ँमाँर बेच्चोग, गी नमीं दिल्ली दे कृषि भवन थमां झंणी दस्सिये रवाना कीता। इस मौके उप्पर उपभोक्ता मामले, खुराक ते सार्वजनिक बं बिक्री राज्यमंत्री बी.एल वर्मा होर बी उत्थे मौजूद हे। लोकें गी ँमाँरें दे बधे दे भाएं

शा किश राहत देने दे मकसद कन्नै N.C.C.F. नै दिल्ली-एन.सी.आर
च रियायती भा कन्नै ँमाँर बेचना शुरू कीता ऐ।

<><><><><><>

Coal-Export Boost

भारत दा कोयला उत्पादन 2023-24 बरे च 11 अशारिया 6-5 फीसद
बदी गेआ ऐ जेड़ा आत्मनिर्भर होने प्रति सरकार दी बचनबद्धता गी
दर्शादा ऐ। कोयला मंत्रालय कोयला आयात गी घट्ट करने ते निर्यात
गी बढ़ावा देने आस्तै परिवर्तनकारी पैहल करा रदा ऐ जेड़ा भारत दे
उर्जा क्षेत्र च इक महत्वपूर्ण बदलाव दा प्रतीक ऐ। एह रणनीति योजना
घरेलू कोयला उत्पादन गी बढ़ाने, उर्जा सुरक्षा गी मजबूत करने ते
कोयला क्षेत्र च विकास गी बढ़ावा देने लेई बनाई गेई ऐ। बरे 2024-
25 आस्तै उत्पादन लक्ष्य 1 जहार 80 मिलियन टन तय कीता गेआ
ऐ। कोयला आयात च कमी गी ठीक करने आस्तै इक अंतर मंत्रालय
समिति कायम कीती गेई ऐ। एह समिति कोयला आयात दे विकल्पें
दा पता लाने आस्तै बक्ख-बक्ख मंत्रालयें बश्कार तालमेल ते विचार-
विमर्श गी सखल्ला बनाग।

<><><><><><>

UP-Monsoon Session

उत्तर प्रदेश विधानसभा दा मानसून सत्र अज्ज शुरू होई गेआ। एह सत्र शुक्रवार तगर चलोग। उत्तर प्रदेश विधानसभा अध्यक्ष सतीश महाना होरें नमें चुने गेदे विपक्ष दे नेता माता प्रसाद पांणे हुंदा सौआगत कीता। मुखमंत्री योगी आदित्यनाथ होरें विधानसभा च 4 नमें मंत्रिं दा परिचय करोआया। मुखमंत्री होरें माता प्रसाद पांणे होरें गी बदाई दिती ते मेद जाहिर कीती जे विपक्ष मौजूदा मानसून सत्र च अनमुल्ला योगदान देग। योगी होरें आखेआ जे उत्तर प्रदेश दा बजट फरवरी 2024 च गै पारित होई चुके दा ऐ। उनें आखेआ जे मौजूदा बजटीय जरूरतें गी पूरा करने आस्तै राज्य दी पैहली अनुपूरक मंग कल सदन च पेश कीती जाग। एहदे थ्वां पैहले मुखमंत्री होरें विधान भवन च नमें तैयार कीते गेदे समिति कक्ष दा उद्घाटन कीता।

<><><><><><><>

National Metallurgist

इस्पात मंत्रालय नै राश्ट्रीय धातु विज्ञानी पुरस्कार एन.एम.ए 2024 आस्तै आवेदन मंगे न। एह पुरस्कार धातुर्कम क्षेत्र प्रचालन, अनुसंधान ते विकास, कचरा प्रबंधन ते उर्जा संरक्षण च उत्कृष्ट योगदान गी सम्मानित करने आस्तै प्रदान कीते जंदे न। मंत्रालय नै आखेआ जे

एह पुरस्कार 4 श्रेणियें च दिते जाडन जिंदे च लाइफ टाइम अचीवमेंट, नेशनल मेट्रोलॉजिस्ट यंग मेट्रोलॉजिस्ट ते आयर ते सटली सैक्टर च शोध ते विकास शामिल ऐ। सरबंधित आवेदक होर मती जानकारी आस्तै मंत्रालय दी आधिकारिक वेबसाइट पर जाई सकदे न ते 6 सितंबर तगर आवेदन करी सकदे न।

<><><><><><>

Olympic Shooting

पेरिस ओलंपिक्स च मनु भाकर ते सरबजीत सिंह दी जोड़ी नै 10 मीटर एयर पिस्टल मिमक्स टीम इवेंट दे कैह दे तगमे लेई होने आले खीरी मैच लेई अपनी थाहर पक्की करी लैती ऐ। उंदा एह मकाबला भारतीय समं दे मताबक कल दिनें 1 बजे दक्खन कोरिया दे ओह ये जिन ते ली वोन्हो कन्नै होग। ओह जे जिन नै इक्कले-इक्कले आली स्पर्धा च सुन्ने दा तगमा जित्तेया हा जेदे च मनु भाकर नै कैह दा तगमा अपने नां कीता हा। इस स्पर्धा च अर्जुन चीमा ते रिदम सागवान दी भारतीय जोड़ी बी मकाबले च ऐ जेहड़े 10मीं थारै पर रह हे। तोआई रमिता जिंदल महिलाएं दी 10 मीटर एयर राइफल फाइनल च 7में नम्बरै पर रही। श्रृंखला दे खीरी दऊं नशानें च रमिता

दा प्रदर्शन मयूस करने आला रेहा जेदे नै उनें 9 इशारिया 7 अंक हासल कीते।

<><><><><><>

ABSS-2024

शिक्षा राज्यमंत्री पॉ. सुकांत मजूमदार होरें आखेआ ऐ जे राश्ट्रीय शिक्षा नीति 2020 दा लक्ष्य हर इक विद्यार्थी दिऐं छमताएं गी सामने आनना ऐ। एह देश च शैक्षणिक परिवर्तन लेई बत दस्सने आली इक लो साबत होग। अज्ज नमीं दिल्ली च अखिल भारतीय शिक्षा समागम ABBS 2024 दे उद्घाटन समारोह गी संबोधित करदे होई एह गल्ल आकखी। इक होर शिक्षा राज्यमंत्री जयंत चौधरी होरें आखेआ, राश्ट्र दा भविक्ख स्हाड़े अध्यापकें दे हत्थै च ऐ ते राश्ट्रीय शिक्षा नीति-2020 नै विद्यार्थीऐं ते अध्यापकें लेई इक व्यापक खाका तैयार कीते दा ऐ।

<><><><><><>

Venezuela-President

वेनेजुएला च निकोलस मादुरो होर इक बारी परतिए राश्ट्रपति दा चुनां जिती गए न। एह नतीजे राश्ट्रीय चुनां कौंसल आस्सेआ घोषित

कीते गए। वेनेजुएला दे राष्ट्रपति दे तौर पर एह उंदा त्रिया कार्यकाल
होग। 80 फीसद मतदान केंद्रें पर वों दी गिनतरी पूरी होने मगरा
एह जानकारी दिती गई। मादुरो होरें गी 51 लक्ख 25 जहार 92
वैद्य वों थहोए।

<><><><><><>